

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/65, 11.09.2019թ.

Բողոք բերող անձ՝ «ԷսՋեթ Ֆարմա» ՍՊԸ

Պատվիրատու՝ «Տուբերկուլոզի դեմ պայքարի ազգային կենտրոն» ՊՈԱԿ

Գնման ընթացակարգի ծածկագիրը՝ «ՏԴՊԱԿ-ԳՀԱՊՁԲ-19/61» գնանշման հարցում

Գնման առարկան՝ «Տուբերկուլոզի դեմ պայքարի ազգային կենտրոն» ՊՈԱԿ-ի կարիքների համար ռենտգեն ժապավենների ձեռքբերում

Բողոքի պահանջը՝ Պարտավորեցնել «ՏԴՊԱԿ-ԳՀԱՊՁԲ-19/61» ծածկագրով ընթացակարգի գնահատող հանձնաժողովին «Տուբերկուլոզի դեմ պայքարի ազգային կենտրոն» ՊՈԱԿ-ի 2019թ.-ի կարիքների բավարարման համար «ՏԴՊԱԿ-ԳՀԱՊՁԲ-19/61» ծածկագրով գնման ընթացակարգով ռենտգեն ժապավենների ձեռքբերման 28/08/2019թ. ժամը 11:00-ին, գնահատող Հանձնաժողովի նիստի թիվ 1 արձանագրության 9-րդ կետը, Հանձնաժողովի 06/09/2019թ.-ին հրապարակված թիվ 2 արձանագրության 2-րդ կետով 5-րդ չափաբաժնով «Մեդպրո» ՍՊԸ-ին հաղթող ճանաչելու, պայմանագիր կնքելու առաջարկի որոշումները փոխել և գնման առարկայի 5-րդ չափաբաժնի մասով առաջին տեղ զբաղեցրած մասնակից ճանաչել «ԷսՋեթ Ֆարմա» ՍՊԸ-ին

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ.ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Բողոքարեք «Էսզեթ Ֆարմա» ՍՊԸ

ՀՎՀՀ 00433863

Իրավաբանական անձի գրանցման համար 278.110.02944

գրանցված 07.11.2000թ.

Հասցե՝ ՀՀ, ք. Երևան, Տիգրան Մեծ 63/23

Ներկայացուցիչ՝ Միքայել Ավետիսյան

/անձն. AN 0746270 տրվ. 09.12.2013թ. 003-ի կողմից/

Ծանուցման հասցե՝ ՀՀ, ք. Երևան, Բաղրամյան 3, 3-րդ հարկ

Հեռ. /094/ 21 69 92

Էլեկտրոնային փոստ avetisyan-micael@mail.ru

Պատվիրատու՝ «Տուբերկուլոզի դեմ պայքարի ազգային կենտրոն» ՊՈԱԿ,

ՀՀ, Կոտայքի մարզ, Արուսյան, Արզնիի խճուղի, 10 շենք

գնման ծածկագիր՝ ՏԴՊԱԿ-ԳՀԱՊԶԲ-19/61

առարկա՝ «ՏՈՒԲԵՐԿՈՒԼՈԶԻ ԴԵՄ ՊԱՅՔԱՐԻ ԱԶԳԱՅԻՆ ԿԵՆՏՐՈՆ» ՊՈԱԿ-Ի

ԿԱՐԻՔՆԵՐԻ ՀԱՄԱՐ՝ ՌԵՆՏԳԵՆ ԺԱՊԱԿԵՆՆԵՐԻ ԶԵՌՔԲԵՐՈՒՄ

ԲՈՂՈՔ


ՏԴՊԱԿ-ԳՀԱՊԶԲ-19/61 ծածկագրով գնանշման հարցման գնահատող հանձնաժողովի

2019թ. Օգոստոսի 19-ի N 1 որոշմամբ հրապարակված հրավերին մասնակցության հայտ է ներկայացրել նաև «Էսզեթ Ֆարմա» ՍՊԸ-ն: 28.08.2019թ. ժամը 11:00-ին, ք. Արուսյան, Արզնու խճ. 10 հասցե 2-րդ հարկ նիստերի դահլիճում, տեղի ունեցած, Գնահատող հանձնաժողովի նիստի թիվ 1 արձանագրության 6-րդ կետի համաձայն 5-րդ չափաբաժնի մասով 2-րդ տեղը զբաղեցրած մասնակից է ճանաչել «Էսզեթ Ֆարմա» ՍՊԸ-ն:

Նույն որոշման 9-րդ կետով Հանձնաժողովը հիմք ընդունելով մասնակցի կողմից ներկայացված գնային առաջարկը հանձնաժողովը որոշել է 5-րդ չափաբաժնի մասով 1-ին տեղը զբաղեցրած և ընտրված մասնակից ճանաչել «Մեդպրո» ՍՊԸ -ին:

Գնման առարկայի 5-րդ չափաբաժնում ընդգրկված ռենտգեն ժապավենի մատակարարելու համար «Էսզեթ Ֆարմա» ՍՊԸ-ն հայտ է ներկայացրել 2.840.000 դրամով, իսկ «Մեդպրո» ՍՊԸ -ն՝ 2.874.000 դրամ ԱԱՀ ներառյալ և 2.395.000 դրամ առանց ԱԱՀ: Այնուհետև Հանձնաժողովի 06.09.2019թ-ին հրապարակված թիվ 2 արձանագրության 2-րդ կետով 5-րդ չափաբաժնով հաղթող է ճանաչել «Մեդպրո» ՍՊԸ -ին և որոշում է կայացրել ռենտգեն ժապավեն մատակարարելու պայմանագիր կնքելու առաջարկ ներկայացնել:

Գտնում ենք, որ Հանձնաժողովի 28.08.2019թ. ժամը 11:00-ին, ք. Արուսյան, Արզնու խճ. 10 հասցե 2-րդ հարկ նիստերի դահլիճում կատարված գնման առարկայի 5-րդ չափաբաժնի մասով ընդունված որոշումը և Հանձնաժողովի 06.09.2019թ-ին հրապարակված



թիվ 2 արձանագրության 2-րդ կետով 5-րդ չափաբաժնով «Մեդայրո» ՍՊԸ –ին հաղթող ճանաչելու, պայմանագիր կնքելու որոշումներ անհիմն են և ենթակա է փոփոխման հետևյալ հիմնավորմամբ.

<<Գնումների մասին>> ՀՀ օրենքի 28-րդ հոդվածի 1-ին մասի 10-րդ կետի համաձայն՝ հրավերը պետք է պարունակի՝ նշում այն մասին, որ առաջարկվող գինը, ապրանքների, աշխատանքների և ծառայությունների արժեքից բացի, ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով:

<<Գնումների մասին>> ՀՀ օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 05.10.2017թ. թիվ 1317-Ն որոշման հավելված N3 սահմանվել են դոնորային արյան և դրա բաղադրամասերի, մայրական կաթի, պրոթեզաօրթոպեդիկ պարագաների, բժշկական տեխնիկայի և բժշկական նշանակության ապրանքների օտարման, բժշկական կազմակերպություններում բժշկական օգնության և սպասարկման շրջանակներում պացիենտների պատրաստած ապրանքների օտարման, աշխատանքների կատարման, ծառայությունների մատուցման՝ ավելացված արժեքի հարկից ազատման արտոնությունների կիրառության շրջանակը, որի 3-րդ մասի 1-ին կետի համաձայն՝ Բժշկական նշանակության ապրանքները՝ ախտորոշման, կանխարգելման, բուժման, անզգայացման ժամանակ օգտագործվող այն բժշկական նշանակության ապրանքներն են, որոնք՝ դասվում են Եվրասիական տնտեսական միության արտաքին տնտեսական գործուևությունների ապրանքային անվանացանկի դասակարգչի 3005, 3006, 3701 10, 3702 10, 3707 90, 4014, 5601 21, 5601 22 ծածկագրերին:

Ռենտգեն ժապավենները ընդգրկված են ԵՏՄ ԱՏԳԱ դասակարգչի 3701 10 ծածկագրի ներքո:

ՀՀ կառավարության 04.05.2017թ. թիվ 526-Ն որոշման հավելված N1 գնումների կազմակերպման կարգի 33-րդ կարգի 8 կետի համաձայն՝ Պայմանագրով (նախագծով) սահմանվում է նաև, որ՝ այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, պատվիրատուն չի կրում պայմանագրի միակողմանի լուծման հետևանքով պայմանագրի

կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով պատվիրատուի կրած վնասներն այն ծավալով, որի մասով պայմանագիրը լուծվել է:

Տվյալ դեպքում «Մեդպրո» ՍՊԸ-ն 5-րդ չափաբաժնի գնային առաջարկը ներկայացնելիս դրա մեջ ներառել է նաև ապրանքի ԱԱՀ-ն, մինչդեռ ՀՀ կառավարության 05.10.2017թ. թիվ 1317-Ն որոշմամբ վերոնշյալ ապրանքը ազատված է ԱԱՀ-ից, որը հայտը մերժելու հիմք է հանդիսանում, ուստի հանձնաժողովը պետք է մերժեր, քանի որ կեղծ տվյալ է ներկայացրել հայտում, որով էլ առավելություն է ձեռք բերել մյուս մասնակցի նկատմամբ:

Հիմք ընդունելով վերոգրյալ փաստական և իրավական հիմնավորումները և ղեկավարվելով «Գնումների մասին» ՀՀ օրենքի 50-րդ հոդվածով խնդրում եմ պարտավորեցնել ՏԴՊԱԿ-ԳՀԱՊԶԲ-19/61 ծածկագրով ընթացակարգի գնահատող հանձնաժողովին՝ «Տուբերկուլոզի դեմ պայքարի ազգային կենտրոն» ՊՈԱԿ-ի 2019թ. կարիքների բավարարման համար «ՏԴՊԱԿ-ԳՀԱՊԶԲ-19/61» ծածկագրով գնման ընթացակարգով ռենտգենյան ժապավենների ձեռքբերման 28/08/2019թ. ժամը 11:00-ին, Գնահատող հանձնաժողովի նիստի թիվ 1 արձանագրության 9-րդ կետը, Հանձնաժողովի 06.09.2019թ-ին հրապարակված թիվ 2 արձանագրության 2-րդ կետով 5-րդ չափաբաժնով «Մեդպրո» ՍՊԸ -ին հաղթող ճանաչելու, պայմանագիր կնքելու առաջարկի որոշումները փոփոխել և գնման առարկայի 5-րդ չափաբաժնի մասով առաջին տեղ զբաղեցրած մասնակից ճանաչել «ԷսՋեթ Ֆարմա» ՍՊԸ-ին:

Միաժամանակ խնդրում եմ բողոքը բավարարելու դեպքում բողոքարկման վարձը փոխանցել «ԷսՋեթ Ֆարմա» ՍՊԸ-ի «Կոնվերս բանկ» ՓԲԸ-ի 1930000521940100 հաշվեհամարին:

Կից ներկայցվում են՝

1. «ԷսՋեթ Ֆարմա» ՍՊԸ-ի վկայականի պատճենը,
2. բողոքարկման վճարը կատարած լինելը հիմնավորող փաստաթղթի բնօրինակը,
3. լիազորագրի բնօրինակը, արտոնագրի և անձնագրի պատճենները,
4. 28/8/2018թ.-ի Գնահատող հանձնաժողովի նիստի թիվ 1 արձանագրության պատճենը,
5. Գնահատող հանձնաժողովի նիստի թիվ 2 արձանագրության պատճենը,

«ԷսՋեթ Ֆարմա» ՍՊԸ-ի

ներկայացուցիչ՝

11.09.2019թ.



Մ. Ավետիսյան